

**KANTONALNA
PRIVREDNA
KOMORA TUZLA**

**BROJ 11-12/21,
novembar-decembar
2021. godine**



KOMORSKI INFORMATOR

2022

**SRETNU I USPJEŠNU 2022. GODINU ŽELI VAM
KANTONALNA PRIVREDNA KOMORA TUZLA**



**ODRŽANE SJEDNICE UO I
SKUPŠTINE KOMORE**



**EKONOMSKI SAVJETNIK
AMBASADE ČEŠKE U KOMORI**



**„PRIBLIŽITI PROIZVODE I
USLUGE PRIVREDI TK“**



**ORGANIZOVANA VAKCINACIJA
RADNIKA U FIRMAMA
ČLANICAMA KOMORE**

Komorski informator

Uvod

Poštovani čitaoci!



Komorski informator za novembar i decembar 2021. godine još je samo jedna više potvrda da je i ova godina „izašla“...Prilično brzo...

I baš kako se sve više komentariše i sve češće izjavljuje, i u praksi se dokazuje: „uvijek je dan imao 24 sata, godina 365 dana, ali nikad nisu brže prolazili...“

Ipak i u toj brzini, uspjeli smo ostati na istom kursu kada je u pitanju komorska novina, jedna od rijetkih „preživjelih“ u Komorskom sistemu Bosne i Hercegovine...

Ostali smo vjerni opredjeljenju da budemo istinski servis našim članicama. Da u svim segmentima naše djelatnosti budemo pri ruci, na vrijeme, precizni, korektni i od koristi...Od izadavanja potvrda, brzo i efikasno, preko sastanaka u granskim udruženjima, zastupanja kod vlada, borbe za sajamske prostore i nastupe do novine u kojoj želimo što više prostora posvetiti promociji naših članica, njihovih proizvoda, usluga i aktivnosti...

Nadamo se da uspijevamo, da zadovoljavamo, a da ima osnove ovakva nada, dokaz je i činjenica da od svih kantonlanih privrednih komora, u članstvu imamo najveći broj privrednih subjekata...

Zato, za kraj godine nećemo nuditi ni spektakularne najave, ni obećanja, ni krupne izjave...Tek, pokušat ćemo biti bolji, na obostrano zadovoljstvo...

Godina 2021. bila je za nijansu bolja od pandemijske 2020. (ne ponovila se nikome i nikada)...

Neka 2022. godina bude za istu takvu nijansu bolja od svoje prethodnice i neka svaka naredna bude takva, kako u poslovnom segmentu, još bolje, važnije je da bude i u privatnom...svima nama...

Sratno u Novoj godini!!!



Dino Kalesić
gl. i odg. urednik



Komorski informator Sadržaj

KANTONALNA PRIVREDNA KOMORA TUZLA

KOMORSKI INFORMATOR BROJ 11-12/21, novembar-decembar 2021. godine

IZDAVAČKI SAVJET:

1. Nedret Kikanović, član
2. Mirsad Kukić, član
3. Izet Džananović, član
4. Suad Selimović, član
5. Edina Kurtić, član

REDAKCIJSKI KOLEGIJ:

1. Nedret Kikanović, član
2. Almir Mešić, član
3. Edina Kurtić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Hariz Altumbabić, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	Održane sjednice UO i Skupštine Komore	4
	Ekonomski savjetnik Ambasade Češke u Komori	4
	„Približiti proizvode i usluge privredi TK“	5
	U toku obuka druge gupe polaznika za obavljanje poslova armirača	6
	Saradnja sa Vladom TK - Reakcije na mjere	7
	Organizovana vakcinacija radnika u firmama članicama Komore	8
	„Pravila o porijeklu robe“	9
	Čestitke za Dan rudara: SRETNO!!!	10
	Tuzlanska Solana slavi 136 godina postojanja	11
	Zdrava konkurencija za stabilnost privrede	12 i 13
	Privreda TK na sajmu u Sarajevu	14
	Najava sajamskih manifestacija	15 i 16
	Ekonomsko osnaživanje žena žrtava rodno zasnovanog nasilja	17
	Eko Život d.o.o. Tuzla	19
	Pogodnosti za članice Komore!!!	20
	Otvoren Piemonte supermarket u Raincima!!!	21



Završne sjednice komorskih tijela...

Održane sjednice UO i Skupštine Komore

XVII sjednica Upravnog odbora i VIII sjednica Skupštine Kantonalne privredne komore Tuzla



Održane su završne sjednice najviših komorskih tijela za 2021. godinu. Članovi Upravnog odbora Kantonalne privredne komore Tuzla održali su XVII sjednicu, domaćin je bio RMU Banovići. Razmatrani su a potom dati na usvajanje prvo Nacrt Programa rada a potom i Nacrt Finansijskog plana Kantonalne privredne komore Tuzla za 2022. godinu. Uz određene izmjene i dopune, oba dokumenta su usvojena i upućena Skupštini Komore na razmatranje i usvajanje. I članovi komorske Skupštine su na sjednici razmotrili i jednoglasno usvojili sve ponuđene dokumente pa su završne sjednice rezultirale donošenjem Programa rada i Finansijskog plana Kantonalne privredne komore Tuzla za 2022. godinu.

Prva posjeta Tuzlanskom kantonu...

Ekonomski savjetnik Ambasade Češke u Komori

Predstavljene pojedinosti vezane za privrednu strukturu Tuzlanskog kantona- Unaprijediti saradnju, ponuditi nove vidove – Naći mogućnosti što većeg iskorištenja resursa TK



U okviru prve posjeta Ondrej Picka ekonomskog savjetnika ambasade češke republike u BiH Tuzlanskom kantonu, upriličena je i posjeta Kantonalnoj privrednoj komori Tuzla. Uvaženog gosta iz Češke primio je u prvu posjetu predsjednik Komore Nedret Kikanović sa najbližim saradnicima. Bila je ovo prilika da se uvaženom gostu približe pojedinosti vezane za privrednu strukturu Tuzlanskog kantona, da se predoče ključni privredni sektori, privredni potencijali. Razgovaralo se i o vanjskotrgovinskoj saradnji sa Češkom republikom.

“Veliko nam je zadovoljstvo primiti u posjetu Komori Ondrej Picka ekonomskog savjetnika ambasade češke republike u BiH Tuzlanskom kantonu. Prezentovali smo uvaženom gostu privredu, privredna kretanja na području Tuzlanskog kantona, otvorili smo i teme o

moogućnostima saradnje u narednom periodu. Razgovarali smo o tome kako unaprijediti saradnju i podići je na viši nivo u odnosu na prethodni period. Nadamo se da u skoroj budućnosti možemo promijeniti odnose i saradnju na bolje, da možemo ponuditi neke vidove saradnje, posebno u oblasti energetske sektora i rudarstva, ali i drugim oblastima poput prehrambene industrije, zdravstva, ekološkim aspektima, gdje bi privrednici sa područja Tuzlanskog kantona, mogli koristeći češke tehnologije i znanja unaprijediti svoje proizvodnje. Bila je ovo izvanredna prilika za uspostavljanje novih kontakata, razmjenu iskustava i neophodnih informacija za temelje kvalitetnijoj saradnji u narednom periodu”, izjavio je Nedret Kikanović predsjednik Kantonalne privredne komore Tuzla.

Zadovoljstvo posjetom Tuzli, Tuzlanskom kantonu i Kantonalnoj privrednoj komori Tuzla, nije krio ni gost iz Češke: **“Sretan sam što mi se ukazala prilika da posjetim Kantonalnu privrednu komoru Tuzla koja predstavlja privredu Tuzlanskog kantona a koji je sa aspekta privrede i turizma jedan od najvažnijih kantona u Federaciji BiH. Naša želja i namjera je da nadamo mogućnosti što većeg iskorištenja resursa kojima ovaj kanton raspolaže, a sve u cilju razvoja, unaprjeđenje odnosa dvije države. Informacije koje smo dobili u Kantonalnoj privrednoj komori Tuzla su nam veoma korisne i iz njih smo mogli zaključiti da postoje mogućnosti za saradnju u brojnim privrednim sektorima, u industriji, u svemu što može doprinijeti kvalitetnijoj saradnji, prosperitetu naših građana, razvoju naših zemalja i regiona generalno”,** rekao je Ondrej Pick ekonomski savjetnik Ambasade Češke republike u BiH.



Delegacija Razvojne banke FBiH u Komori

„Približiti proizvode i usluge privredi TK“

Brojne mogućnosti na raspolaganju budućoj saradnji - Proizvode približiti privrednicima TK, najkvalitetniji put kroz komorska udruženja



U Kantonalnoj privrednoj komori Tuzla upriličen je prijem za delegaciju Razvojne banke Federacije Bosne i Hercegovine. Nedret Kikanović predsjednik Komore je sa najbližim saradnicima upoznao goste o načinu rada komorskih udruženja sa svojim članicama. Istaknuto je da Kantonalna privredna komora Tuzla, ako Komora sa najvećim brojem članica među kantonalnim komorama u Federaciji, može biti dobra platforma u saradnji sa privredom za nove iskorake, plasiranje novih ideja, proizvoda i programa. **“Mi smo za nijansu drugačija Komora od drugih. Imamo zavidan broj članica, imamo aktivan rad sa članicama kroz granska udruženja. Pored toga, možemo se pohvaliti da je našim članicama na usluzi naša web stranica koja se ažurira na dnevnoj bazi, da smo jedna od rijetkih komora koja i dalje priprema i izdaje novinu “Komorski informator” koja je posvećena članicama. Također, prva smo komora u regionu, vjerovatno i šire koja je pokrenula i još uvijek realizuje, evo već desetak godina, servis za naše privrednike “Vijesti iz privrede”, nešto kao newsletter, koji se distribuira svako jutro na oko 600 mail adresa u BiH, Crnoj Gori, Srbiji i Hrvatskoj, sa najnovijim vijestima iz privrede Tuzlanskog kantona, BiH, Regije i Svijeta. Kao najnovija naša aktivnost sa posebnim pogodnostima za članice, jeste i LED display na našoj zgradi, dakle, brojne mogućnosti koje stavljamo na raspolaganje u našoj budućoj saradnji”**, izjavio je predsjednik Kikanović.

Kako je istakao Semir Fejzić izvršni direktor za upravljanje rizicima u Razvojnoj banci FBiH, sastanak je i realizovan sa ciljem jačanja odnosa sa privredom Tuzlanskog kantona. **“Mi imamo aktivnosti na povom području, smatramo da smo izgradili povjerenje kod privrednika i upravo na tom temelju želimo graditi još kvalitetniju saradnju sa privredom i to upravo putem Komore. Želimo još većoj mjeri približiti naše aktivnosti, usluge, proizvode privrednicima Tuzlanskog kantona a smatramo da je najkvalitetniji put za to upravo kroz komorska udruženja”**, istakao je Fejzić.

Dalibor Milinković izvršni direktor za istraživanje i razvoj u Razvojnoj banci Federacije Bosne i Hercegovine, istakao je da su pokrenute aktivnosti na saradnji sa jednom televizijskom kućom a u cilju kvalitetnijeg i snažnijeg marketinškog pristupa promociji usluga i proizvoda Razvojne banke. **“Upravo je Komora partner s kojim možemo razviti mogućnost**

prezentacije naših pet novih proizvoda. Želimo u saradnji sa Komorom u 2022. godini privrednicima predstaviti naše kreditne linije na “njihovom pragu”, posjetiti ih u njihovim firmama i biti značajna podrška razvoju poljoprivrede, prehrambene industrije, obnovljivih izvora energije i drugih djelatnosti. **Možemo reagirati u danu i smatramo da je to naša velika prednost”**, rekao je direktor Milinković.

Delegaciju u kojoj je bila i Senija Bubić izvršna direktorica za podršku poslovanju, predvodio je Mensud Bašić predsjednik Uprave Razvojne Banke FBiH koji se zahvalio predsjedniku Kikanoviću na prijemu i spremnosti da se zajednički provedu aktivnosti na povezivanju Razvojne banke i privrednika, članica Komore. **“Moram istaći zadovoljstvo saradnjom i odnosom sa mojim saradnicima koji su u prethodnom periodu napravili izuzetno dobar posao. Postigli su rezultate koji su na izuzetno visokom nivou, uspostavili kvalitetan kontakt sa privredom i ponosan sam što imam ovakve saradnike. Mišljenja sam da sa ovom ekipom i sa timom Kantonalne privredne komore Tuzla kroz granska udruženja, možemo napraviti jednu dobru, kvalitetnu zajedničku priču koja će u konačnici biti na zadovoljstvo svih aktera, i nas u Razvojnoj banci i Komore i privrednika prije svih. Naš cilj je proizvode koje smo napravili približimo privrednicima Tuzlanskog kantona. Želja nam je da promijenimo percepciju Razvojne banke FBiH i da nas se doživljava kao instituciju koja želi pomoći privredi”**, izjavio je Mensud Bašić predsjednik Uprave Razvojne Banke FBiH.



Na kraju, Nedret Kikanović predsjednik Kantonalne privredne komore Tuzla je zahvalio delegaciji Razvojne banke FBiH na ukazanom povjerenju, na odabiru Komoru za zajedničke aktivnosti koje mogu doprinijeti razvoju privrede na području Tuzlanskog kantona i stvaranju kvalitetnijeg poslovnog okruženja.

Pripremio: Dino Kalesić



„Izgradnja standarda kvaliteta u obrazovanju odraslih...

U toku obuka druge grupe polaznika za obavljanje poslova armirača

Privredne komore Tuzla, Sarajevo, Zenica, Fondacija Helvetas i Federalni zavod za zapošljavanje



Kantonalna privredna komora Tuzla u okviru projekta „Izgradnja standarda kvaliteta u obrazovanju odraslih“ kojeg realizuje sa Privrednom komorom Kantona Sarajevo i Privrednom komorom Zeničko – dobojskog kantona, a kojeg finansijski podržavaju Fondacija Helvetas – Moja budućnost i Federalni zavod za zapošljavanje, započela je obuku i druge grupe od 10 nezaposlenih osoba za obavljanje poslova armirača.

S obzirom na veliku potražnju za radnicima u građevinskoj industriji, firme su izrazile interes i potrebu da kroz ovaj projekat obuče zainteresovana nezaposlena lica i kroz praktičan rad ih osposobe za obavljanje posla armirača.

Program po kojem se vrši osposobljavanje pripremljen je uz direktne konsultacije sa građevinskim firmama, u skladu s njihovim potrebama.

U okviru 240 sati obuke, nezaposlene osobe će slušati 45 sati teorijske nastave koja se odnosi na sigurnost na radu, poznavanje materijala i tehnika, dok će se ostalih 195 sati obuke odvijati na gradilištima gdje će kandidati praktično, uz nadzor mentora, sticati vještine i kompetencije iz oblasti građevinarstva.



Sa svim polaznicima obuke potpisani su i šestomjesečni ugovori o radu u kompanijama u kojima prolaze obuku, uz mogućnost njegovog produženja.

Podsjetimo, ovo je drugi i posljednji ciklus obuke, sve troškove obuke snosila je Fondacija Helvetas – Moja budućnost i Federalni zavod za zapošljavanje.

Za više informacija, kontakt osoba Almir Mešić, sekretar Udruženja za građevinarstvo Kantonalne privredne komore Tuzla, tel. 035/369-565 e-mail: almir@kpktz.ba.



D.K.



Iz Grupacije za ugostiteljstvo TK...

Saradnja sa Vladom TK - Reakcije na mjere

Privrednici partneri Vlade Tuzlanskog kantona



Grupacija za ugostiteljstvo Tuzlanskog kantona koja djeluje u okviru Udruženja za trgovinu, ugostiteljstvo i turizam Kantonalne privredne komore Tuzla, održala je početkom novembra vanrednu sjednicu Odbora Grupacije. Na sjednici su predstavnici ugostiteljske djelatnosti sa područja Tuzlanskog kantona iskazali nezadovoljstvo novim pooštavanjem higijensko-epidemioloških mjera na području Tuzlanskog kantona. "Stava smo da od svih privrednih djelatnosti, nove mjere direktno i najviše utiču na sektor ugostiteljstva i u potpunosti ovaj sektor dovodi do gašenja. Smatramo da ove mjere treba preispitati, formirati nove u dogovoru sa privredom i predstavnicima sektora ugostiteljstva a sve u cilju opstanka privrednih subjekata i očuvanja radnih mjesta. S tim u vezi, obavještavamo Vladu Tuzlanskog kantona, sva ministarstva, institucije, medije i javnost, da vlasnici ugostiteljskih objekata na području Tuzlanskog kantona nemaju namjeru primijeniti nove mjere, da će nastaviti sa radom kao u prethodnom periodu, da poduzimaju sve aktivnosti po hitnom postupku kako bi pristupili gašenju privrednih subjekata, da poduzimaju sve aktivnosti po hitnom postupku kako bi sve zaposlene otpustili i prijavili ih na Zavod za zapošljavanje TK, da poduzimaju sve aktivnosti na okupljanju i protestima ugostiteljskih radnika već danas i pozivaju sve one koji su pogođeni novim mjerama na okupljanje pred Vladom", zaključeno je na vanrednoj sjednici Odbora Grupacije. Potom je uslijedio sastanak u resomom ministarstvu kojem su prisustvovali i članovi Kriznog štaba Ministarstva zdravstva Tuzlanskog kantona.

- **Razgovor o mogućnostima preinačenja epidemioloških mjera**

Nakon sastanka sa Kriznim štabom Ministarstva zdravstva Tuzlanskog kantona i predstavnika Asocijacije ugostitelja TK znat će se više o mogućnostima preinačenja novih epidemioloških mjera. Ovim zaključkom okončan je sastanak ministra trgovine, turizma i saobraćaja Tuzlanskog kantona Hamze Bešića i delegacije Asocijacija ugostitelja TK. Nezadovoljni novim mjerama koje limitiraju rad ugostiteljskih objekata predstavnici Asocijacije ovom su prilikom ukazali na „nelogičnosti i selektivan stav“ kada su u pitanju ograničenja sadržana u epidemiološkim mjerama. Prema

mišljenju predstavnika ugostitelja sa područja TK „odluke su donesene na osnovu nerelevantnih podataka o broju vakcinisanih u TK te da u konačan broj treba unijeti i one koji su se vakcinisali van Bosne i Hercegovine“, rečeno je ovom prilikom. Također je naglašeno da ugostitelji žele da ih resorno ministarstvo i Vlada TK doživljava kao partnera i dijelom rješenja problema. Kao prilog tome predložili su da zajedno sa institucijama rade na promociji vakcinacije te ponudili svoje objekte u svrhu stvaranja novih punktova. Ministar Bešić je naglasio da će sve poduzeti kako bi i na području TK bile uvedene blaže mjere koje je donio Federalni krizni štab.

- **Ukinuto ograničenje radnog vremena za sve ugostiteljske i druge objekte**

Vlada TK usvojila je naredbe Kriznog štaba Ministarstva zdravstva TK. Novim naredbama, mjere su usklađene sa Naredbom Kriznog štaba Ministarstva zdravstva FBiH. Ukinuto je i ograničenje radnog vremena za sve ugostiteljske i druge objekte, te im je time dozvoljen rad i nakon 23 sata. Ipak, nakon 20:00 sati, ugostiteljski i drugi objekti dužni su obezbijediti da svi gosti u objektu moraju posjedovati negativan antigenski ili PCR test ne stariji od 48 sati, izdan od registrovane ustanove ili laboratorije ili potvrdu o prebolovanom Covid-19, ne stariju od 6 mjeseci ili potvrdu o završenom cijepljenju. Dozvoljeno je organiziranje većih okupljanja pod uvjetom da veličina prostora omogućava provedbu higijensko-epidemioloških mjera. Uslov za organizaciju ovih skupova je da svi sudionici skupa imaju negativan antigenski ili PCR test, ne stariji od 48 sati, izdan od registrovane ustanove ili laboratorije ili potvrdu o prebolovanom COVID-19 ne stariju od 6 mjeseci ili potvrdu o završenom cijepljenju. U Tuzlanskom kantonu su na snazi mjere istovjetne onima koje je propisao Krizni štab na federalnom nivou uz iznimku da je na području našeg kantona u određenim situacijama neophodno posjedovanje tzv. prebolovao – vakcinisan – testiran (PVT) potvrde. Ova Naredba se primjenjuje od 18. decembra 2021. godine, a važi do 12. januara 2022. godine.



D.K.



Saradnja Komore i Zavoda za javno zdravstvo TK...

Organizovana vakcinacija radnika u firmama članicama Komore

Na području općine Gradačac do sada 28,88% građana vakcinisano prvom dozom a 23,46% drugom i trećom dozom vakcin 0,56%e - Na području grada Tuzla prvom dozom je vakcinisano 35,34%, drugom 33,79% i trećom 1,43% građana

- **Vakcinisana 122 radnika “IMK Kula” Gradačac**



Među firmama koje su se odazvale pozivu Komore za masovnu vakcinaciju je i firma “IMK Kula” Gradačac. Riječ je o nastavku zajedničke akcije vakcinisanja protiv COVID-19 u privrednim subjektima na području Tuzlanskog kantona, koju su pokrenuli Kantonalna privredna komora Tuzla i Zavod za javno zdravstvo Tuzlanskog kantona. Komora i Zavod su ranije pozvali sve privredne subjekte da animiraju svoje uposlene da se pravovremeno vakcinišu i da na taj način doprinesu obezbjeđenju sigurnog poslovnog okruženje i smanjenju mogućnosti uvođenja restriktivnih mjera u predstojećem zimskom periodu. U saradnji sa JZU Dom zdravlja Gradačac, organizovano je vakcinisanje 122 uposlenika kompanije “IMK Kula” Gradačac, trenutno raspoloživim vrstama vakcinama, u ranije dogovorenim terminima kako bi radnici što manje odsustvovali sa radnog mjesta a ugovoreni su i termini za revakcinaciju, kako bi se cijeli proces završio što brže. “Zahvaljujemo se IMK Kula što se uključila u ovu aktivnost, animirala svoje uposlene i na taj način doprinosi sigurnijem radnom ambijentu u svojoj lokalnoj zajednici. Pozivamo i

ostale privredne subjekte da se uključe u ovu aktivnost i animiraju svoje uposlenike na vakcinaciju protiv covid-19, da bismo osigurali neometano poslovanje i izbjegli nova zatvaranja privrede”, poručuju organizatori akcije, Kantonalna privredna komora Tuzla i Zavod za javno zdravstvo Tuzlanskog kantona.

- **Vakcinisano 60 radnika “Virgin Pulse” Tuzla**



U okviru zajedničke akcije koju su pokrenuli Kantonalna privredna komora Tuzla i Zavod za javno zdravstvo Tuzlanskog kantona, nastavljeno je vakcinisanje protiv COVID-19 u privrednim subjektima na području Tuzlanskog kantona. Komora i Zavod su ranije pozvali sve privredne subjekte da animiraju svoje uposlene da se pravovremeno vakcinišu i da na taj način doprinesu obezbjeđenju sigurnog poslovnog okruženje i smanjenju mogućnosti uvođenja restriktivnih mjera u predstojećem zimskom periodu. U saradnji sa JZNU Dom Zdravlja „dr Mustafa Šehović“ Tuzla organizovano je vakcinisanje 60 uposlenika kompanije “Virgin Pulse” Tuzla, sa trenutno raspoloživim vrstama vakcinama.

Kantonalna privredna komora Tuzla i Zavod za javno zdravstvo Tuzlanskog kantona još jednom pozivaju sve privredne subjekte na području Tuzlanskog kantona, da animiraju svoje radnike, obavijeste ih o ovoj zajedničkoj akciji te spiskove svojih zainteresovanih uposlenika sa matičnim brojem (JMBG)

dostave u Kantonalnu privrednu komoru Tuzla. Sve ovo s ciljem organizovanja termina za vakcinaciju na punktu za vakcinaciju u konkretnoj lokalnoj zajednici. U slučaju većeg broja zainteresovanih uposlenika, Zavod za javno zdravstvo TK će organizovati mobilni tim i vakcinaciju izvršiti u prostorijama kompanije. Spiskove je moguće slati, i sve dodatne informacije dobiti na: e-mail adresu komora@kpktz.ba ili edina@kpktz.ba, Kontakt telefon 035/369-550.

Podsjetimo, vakcinacija je najdjelotvorniji način zaštite od bolesti COVID-19 i najučinkovitiji način suzbijanja širenja pandemije. Vakcinacijom protiv COVID-19 u organizam unosimo materiju koja stimuliše naš imunološki sistem da samostalno stvara otpornost (imunitet) na koronavirus. Vakcinisanjem štite sebe i osobe s kojima živite ili s kojima dolazite u kontakt. Sve registrirane vakcine u BiH i Evropskoj uniji djelotvorno štite od težih oblika bolesti, hospitalizacije i smrtnih ishoda.

D.K.



Radionica u komori...

„Pravila o porijeklu robe“

EU4TRADE projekat i Kantonalna privredna komora Tuzla



Kantonalna privredna komora Tuzla i EU4TRADE projekat Vas organizovali su radionicu „Pravila o porijeklu robe“. Radionica je imala za cilj istaći važnost koncepta porijekla robe sa fokusom na Mediteransku konvenciju o porijeklu robe, s posebnim osvrtom na sporazume koje je BiH potpisala sa EU, EFTA-om, CEFTA-om kao i drugim relevantnim stranama. Kako je istaknuto na radionici namijenjenoj predstavnicima privatnog sektora, nova tranzicijska pravila o porijeklu robe kreiraju potencijal za povećanje ekonomske diverzifikacije na prostoru Zapadnog Balkana kao i postizanje konkurentne proizvodnje te finansijske koristi od odgovarajućih carinskih ustupaka ponuđenih sporazumima o slobodnoj trgovini.



Predavači na ovoj značajnoj radionici sa izuzetno zanimljivom i aktuelnom temom, bili su Stefan Moser iz EU4TRADE projekta, Elma Demir iz Ministarstva vanjske trgovine i ekonomskih odnosa Bosne i Hercegovine, Vesna Bajić iz Uprave za indirektno oporezivanje Bosne i Hercegovine Regionalni centar Banja Luka. Na temu „Uvod u Panevropsku konvenciju o porijeklu robe sa naglaskom na nova prelazna pravila o porijeklu robe“, govorio je Stefan Moser iz projekta EU4TRADE. Inače, riječ je osobi sa dugogodišnjim iskustvom u radu na pitanjima vezanim za porijeklo robe. Ovom temom se bavio tokom svog angažmana u Vladi Švicarske, a zatim kao nezavisan konsultant na brojnim projektima iz oblasti trgovine, finansiranih od strane EU i drugih donatora.

Elma Demir iz Ministarstva vanjske trgovine i ekonomskih odnosa Bosne i Hercegovine govorila je o pravilima porijekla robe za nove proizvode i o važnim izmjenama u novim prijelaznim pravilima. Značajno je pomenuti da gospođa Demir radi više 10 godina u Sektoru za carinsku politiku i tarife Ministarstva vanjske trgovine i ekonomskih odnosa Bosne i Hercegovine te posjeduje dugogodišnje stručno znanje i iskustvo vezano za porijeklo robe. Učestvovala je u skoro svim pregovorima o ugovorima o slobodnoj trgovini koje je Bosna i Hercegovine zaključila.

Gošća iz Banjaluke Vesna Bajić, po struci diplomirani inženjer poljoprivrede, u Carinskoj tarifi je od 1999. godine. Pitanjima vezanim za porijeklo robe se bavi od potpisivanja prvog sporazuma 1999.godine a na radionici u Komori, govorila je na temu Nove administrativne procedure u okviru prijelaznih pravila o porijeklu robe. Recimo na kraju da je učešće na radionici bilo je besplatno.

D.K.



Uz Dan rudara...

Čestitke za Dan rudara: SRETNO!!!



• Skupština TK: Čestitka za Dan rudara

U ime Skupštine Tuzlanskog kantona i u svoje lično ime, svim rudarima upućujem srdačne čestitke povodom 21. decembra - Dana rudara Bosne i Hercegovine.

Ovaj praznik je od posebnog značaja za Tuzlanski kanton jer je naša industrija bazirana i razvija se zahvaljujući rudnim bogatstvima, a rudari svojom požrtvovanošću predstavljaju stub našeg društva. Obilježavajući Dan rudara, stavljamo naglasak na potrebu osavremenjavanja proizvodnog procesa i poboljšavanja kako uslova rada tako i materijalnog sastusa naših rudara, kako bismo na adekvatan način zahvalili za sve ono što im naše društvo duguje.

Iskreno im čestitam praznik uz rudarski pozdrav SRETNO!

Predsjednik Skupštine
Tuzlanskog kantona
Slađan Ilić

• Vlada TK: čestitka povodom Dana rudara

Povodom Dana rudara, premijer Tuzlanskog kantona Kadrija Hodžić upućuje javnu čestitku u kojoj stoji:

„Dragi rudari, Čast i zadovoljstvo mi je u ime Vlade Tuzlanskog kantona i u svoje ime čestitati vam 21. decembar – Dan rudara. Malo koji datum je očuvao poštovanje svih građana u Bosni i Hercegovini kao što je to Dan rudara. Imajući u vidu današnji društveni kontekst, ovogodišnji Dan rudara nosi posebnu težinu. Manjkavosti u dosadašnjem radu rudnika doveli su nas u poziciju da je neophodno hitno ulaganje u tehnološko restruktuiranje rudnika. Ulaganje, ali na ekonomskim, racionalnim osnovama, ne na političkim sadržajima i odlukama. U Tuzlanskom kantonu rudnici su okosnica privrede i uzdanica cijelog energetskog sektora u Bosni i Hercegovini. Ovdje rudnici nisu samo preduzeća za proizvodnju uglja, soli i drugih ruda. Oni su neodvojivi dio bića naše regije, toliko duboko utkani u sve nas, da smo bez toga jednostavno nezamislivi. Zato nema onoga ko može odvojiti nas od rudara i rudare od nas. Gledajući u budućnost, želim da vjerujem sam da će naredna godina svim rudarima donijeti boljitak. Da će donijeti veća ulaganja, bolji materijalni status i biti obilježena novim rudarskim uspjesima, ali očekujem i da će takve rezultate pratiti

osavremenjavanje proizvodnog procesa i stalno poboljšanje rudarskog statusa u bosanskohercegovačkom društvu. Na kraju moram istaći da, zbog svega onoga što rudari čine činite i uslova u kojim to činite, građani ove zemlje duguju vam neuporedivo više nego što to mogu izraziti riječi povodom predstojećeg vašeg praznika.

Zato, na kraju:
RUDARI SRETNO“



• Grad Tuzla: Čestitka rudarima

Rudarima Bosne i Hercegovine i Tuzle upućujemo iskrene čestitke u povodu 21. decembra - Dana rudara
S R E T N O!

Jasmin Imamović, gradonačelnik Tuzle
Nataša Perić, predsjedavajuća Gradskog vijeća Tuzla

• Komora: Sretan Dan rudara svim rudarima Bosne i Hercegovine!

Svim rudarima u Bosni i Hercegovini čestitamo 21. decembar, Dan rudara sa željom da vam budućnost donese sigurnost i mnogo bolje uslove rada.

Sretan Dan rudara svim rudarima Bosne i Hercegovine.
SRETNO!

Kantonalna privredna komora Tuzla
Nedret Kikanović, predsjednik

D.K.



Vrijedan jubilej...

Tuzlanska Solana slavi 136 godina postojanja

1885. godine u Tuzli osnovana je jedna od najstarijih kompanija u BiH – Fabrika soli



Davne 1885. godine u Tuzli osnovana je jedna od najstarijih kompanija u BiH – Fabrika soli. Na svoju bogatu historiju danas stavlja krunu 136. godina postojanja i slavi što nastavlja pratiti najsavremenije trendove i svakodnevno niže uspjehe u poslovanju.

“Tuzlanska so” jedan je od najprepoznatljivijih brendova kako u BiH, tako i širom Evrope. Ona se dobiva procesom vakuum uparavanja slane vode i kao takva je jedinstvena na ovom području. Specifična je još i po svom kvalitetu i čistoći, jer njen sastav čini okvimo 99,7 posto natrij-hlorida. Pored populame Tuzlanske soli ova kompanija je poznata i po drugim proizvodima kao što su DoDo začim, so sa biljnim začimima, tabletirana so, te različite vrste industrijskih soli.



“Spoj tradicije i kvaliteta promaknuo je Solanu u istinskog lidera kada je riječ o proizvodnji i prodaji soli, kako na domaćem tržištu, tako i u zemljama regiona i svijeta. Naša tradicionalna tržišta su zemlje jugoistočne Evrope, odnosno naši prvi susjedi Srbija, Hrvatska, Makedonija, Kosovo, Mađarska, Rumunija... Pored ovoga možemo se naći i na policama marketa u Skandinaviji, Sjedinjenim Američkim Državama i zemljama Bliskog Istoka”, navodi za klix.ba Bakir Smalagić direktor tuzlanske Solane.

Od 2018. godine Solana je u sastavu AS Grupacije i prva je članica koja je po prvi put certificirana prema zahtjevima standarda FSSC 22000. Ovaj standard (Certifikacija sistema sigurnosti hrane) je jedan od standarda priznatih od strane GFIS-a (Global Food Safety Initiative).

“Kroz sve vrijeme svog poslovanja trudimo se pratiti svjetske razvojne trendove, pa shodno tome mnogo značaja pridajemo održavanju kvaliteta proizvoda. Kontinuirano radimo na održavanju kvaliteta i sigurnosti naših proizvoda primjenjujući vodeće standarde kvaliteta u svojoj proizvodnji. FSSC 22000 je globalno priznati standard za reviziju, praćenje i certifikaciju svih namirnica kako bi se osigurala sigurnost hrane. Solana d.d. Tuzla je certifikacijom, svoje upravljanje kvalitetom, podigla na viši nivo. Osigurali smo uslove nesmetanog nastavka saradnje sa postojećim i potencijalno novim i zahtjevnijim i kupcima i tržištima”, ističe za klix.ba Smalagić.

Danas Solana godišnje proizvodi cca 140.000 tona soli, zaspošljava 300 radnika, a planovi za narednu godinu usmjereni su na razvoj novih proizvoda i osvajanje novih tržišta. Takođe, jedan od njihovih ciljeva je, da kroz različite projekte energetske efikasnosti, unaprijede svoje procese.



Bosna-Niless Lukavac...

Zdrava konkurencija za stabilnost privrede

Bosna-Niless d.o.o. Lukavac: Za stabilnost privrede BiH iznimno važna zdrava konkurencija koja će ponuditi bolji kvalitet usluga



BOSNA-NILESS

...jer rješenja imaju svoje ime!

Uprkos izazovima koje su donijeli pandemija koronavirusa, kao i izazovi kada je u pitanju zakonsko uređenje u Bosni i Hercegovini, pojedine domaće kompanije uspjele su ostati bonitetno pouzdane u posljednjih nekoliko godina. Među njima je i kompanija Bosna-Niless d.o.o. Lukavac koja se nalazi među 18 posto bonitetno pouzdanih tri godine u kontinuitetu. Primarna djelatnost firme je proizvodnja, remont i servis mašina i uređaja, uključujući generalni remont bagera, drobilčnih postrojenja, pogonskih strojeva, generalni remont, obrada i montaža reduktora do 1500W i izrada potpuno novih reduktora.

"Bonitetna pouzdanost firme je došla sama, kao rezultat pravilnog planiranja, postepenog razvoja i profesionalnog odnosa prema radnicima, kupcima, dobavljačima i naravno redovno ispunjavanje poreskih obaveza", izjavila je Mirela Burgić Jašarević, dipl.ing.arh. suvlasnik i zamjenik direktora firme Bosna-Niless d.o.o. u razgovoru za "Poslovne novine".

Burgić Jašarević navodi kako se od samog osnivanja, razvoj firme Bosna-Niless odvija postepeno, u skladu sa strateškim i operativnim planom i vizijom osnivača.

"Danas posjedujemo sopstveni proizvodni prostor od 800 kvadratnih metara i kroz sve godine postojanja firme, više od 80 posto svih prihoda je uloženo je u razvoj i opremanje firme. Zbog specifične oblasti kojom se firma bavi, kupovina novih mašina i izgradnja novih proizvodnih pogona je samo jedan dio razvoja kompanije", kazala je Burgić Jašarević.



Bonitetna pouzdanost jedini ispavan put u razvoju firme

Istakla je kako su upravo radnici najveći pokretač razvoja firme.

"Danas firma zapošljava oko 20 radnika, koji su stalno angažovani na svim poslovima u proizvodnji. Svi naši radnici su izuzetno stručni, profesionalci koji su lojalni firmi, nevjerovatno posvećeni svim poslovima koje su radili. Potvrda ovome je veliki broj izvršenih remonta na kojima nismo imali nikakve reklamacije u toku dosadašnjeg rada. Timski rad, profesionalnost i posvećenost svakom poslu kao novom izazovu, najveća su tajna uspjeha naše kompanije", kazala je Burgić Jašarević.

Istakla je kako je bonitetna pouzdanost koja je prepoznata tokom poslovanja firme, ako se može računati kao statistički skup svih gore nabrojanih elemenata razvoja, za kompaniju je jedini ispravan put u razvoju firme.

"Nakon više od dvije decenije od osnivanja, Bosna-Niless je danas respektabilna firma i po tehničkoj opremljenosti i po stručnosti uposlenog kadra, sa bogatim iskustvom i stalnim razvojem proizvodnog procesa i programa", rekla je suvlasnica kompanije.

U ovom momentu firma je bazirana na remontu i servisu mašina i uređaja za domaće kompanije, koje uveliko zavise od ovakvih firmi za kontinuitet svog poslovanja.

"Zbog specifičnosti usluga koje pružamo, konstantno imamo velike, složene i zahtjevne poslove remonta pogona, koji isključivo zahtijevaju iskustvo i stručnost našeg tima. Kvalitet obavljenih poslova remonta, često uslovljen brzim rokovima za izvršenje, je konstanta koja nas prati tokom godina poslovanja. Ne možemo reći da smo bolji od konkurencije, ali uz pravilan planski razvoj,



sa novim tehnološkim mogućnostima, nadamo se da ćemo ostati prepoznati kao ravnopravan partner svim ostalim firmama u mašinskom sektoru”, dodala je Burgić Jašarević.

Podsjetila je kako su njihovi krajnji korisnici sve firme koje posjeduju proizvodni program, mašine i uređaje, mehaničkog i automatizovanog procesa proizvodnje, a kojima je potreban remont mašina i uređaja, kao i njihovo održavanje.



Za stabilnost privrede BiH ključna zdrava konkurencija

Neki od krajnjih korisnika su: Fabrika cementa Lukavac, Sisecam Soda Lukavac, Rudnici “Kreka” u Tuzli, Rudnik krečnjaka “Vijenac” Lukavac, Arcelor Mittal Zenica, EFT Rudnik i termoelektrana Stanari, Xella BH, Elektroprivreda BiH.

”Ove firme koje koriste naše usluge čine najveći dio proizvodne djelatnosti u BiH, pa je uloga naše kompanije, zajedno sa svim ostalim kompanijama u ovom sektoru, ključna za jačanje BH privrede. Ono što je najbitnije za stabilnost privrede BiH je zdrava konkurencija, koja će ponuditi bolji kvalitet usluga, a uspjeh je jedino zagarantovan ako nastavimo udruživanje sa svim firmama u metaloprerađivačkom sektoru, koje omogućava stvaranje ambijenta za poboljšanje i održivosti tržišta”, rekla je Burgić Jašarević.

Pandemija koronavirusa, koja je izbila krajem 2019. godine i proširila se na cijeli svijet, odrazila se i na ekonomiju kako na globalnom, tako i domaćem nivou, pogotovo kada je u pitanju proizvodni sektor.

”Najveći udar su imale upravo male porodične firme kao naša, u kojima su dvije generacije jedne porodice radile ‘rame uz rame’ iz dana u dan. U decembru 2020. godine, usljed komplikacija izazvanih koronavirusom, preminuo je osnivač kompanije. Osim ogromnog porodičnog gubitka oca, na nasljednike je stavljen teret i izazov nastavka poslovanja”, kazala Burgić Jašarević.

Istakla je kako su se planovi za budući razvoj, u samo nekoliko dana, pretvorili se u planove za očuvanje radnih mjesta i stabilnost poslovanja.

”U 2021. godini radili smo pod konstantnim pritiskom dokazivanja stručnosti i do sada stečenog iskustva. Planovi za budućnosti isključivo zavise od toga da naša država konačno prepozna potrebu za stvaranje uvjeta i ambijenta za industrijsku proizvodnju i



počne raditi na uklanjanju ograničenja u zakonskim rješenjima, i omogući lakši i brži pristup evropskim fondovima. Uz izuzetan tim naših stručnih radnika, preduzeće Bosna-Niless neće imati nikakvih problema da nastavi kontinuirani rast i razvoj, sa povećanjem prihoda i novim zapošljavanjima u budućnosti”, zaključila je Burgić Jašarević.

Firma Bosna-Niless d.o.o. Lukavac osnovana je 1996. godine. Osnivač firme je Zijad Burgić, diplomirani inženjer mašinstva, koji je prije osnivanja firme gotovo dvije decenije radio kao vodeći inženjer u Tvornici transportnih uređaja Tuzla (TTU Tuzla). Poslijeratna društvena i privredna tranzicija učinila je to da su velike državne proizvodne kompanije postale tržišno nestabilna preduzeća, te su stručnjaci iz različitih oblasti napravili odluke o osnivanju privatnih kompanija.

”Poslovne novine“



Održan 7. sajam privrede, poljoprivrede i zanatstva...

Privreda TK na sajmu u Sarajevu

7. sajam privrede, poljoprivrede i zanatstva i 44. sajam roba široke potrošnje



U Sarajevu je početkom decembra održan 7. sajam privrede, poljoprivrede i zanatstva i 44. sajam roba široke potrošnje. Sajam koji se održava u sarajevskoj Skenderiji okupio je ove godine više od 150 izlagača. Nakon pauze od jedne godine zbog pandemije, sajam je bio uspješan, kvalitetan i na zadovoljstvo i organizatora i izlagača. Održavanje Sajma podržalo je Federalno ministarstvo poljoprivrede, vodoprivrede i šumarstva.

Izložbeni program Sajma obuhvatao je proizvode i usluge iz oblasti poljoprivrede, prehrambene industrije, roba široke potrošnje, proizvodnje ambalaže te starih zanata i kućne radinosti. Bila je to odlična prilika da se na zaključenju sajamskih aktivnosti za 2021. godinu, predstave privrednici, obrtnici, zanatlije, udruženja i organizacije s prostora cijele Bosne i Hercegovine. U okviru sajamske manifestacije održana je stručno edukativni program, na kojem je mr. Kudić govorio na temu "Uloga poljoprivredne savjetodavne službe u razvoju poljoprivrede u Federaciji BiH". Kako je na svečanom otvaranju Sajma istakao direktor Centra Skenderija Amer Kapo, izlagači su iz različitih oblasti privredne i poljoprivredne djelatnosti i sve je kvalitetno i domaće, u skladu s motom sajma "Domaći proizvod u službi građana BiH". „Centar Skenderija je domaća kompanija, a i naši izlagači su domaći proizvođači i ovaj sajam je idealna prilika da vidimo šta sve Bosna i Hercegovina posjeduje i koliko toga može da ponudi. Posebno raduje da je počasni gost sajma Ambasada Republike Indonezije koja je velika podrška svim dešavanjima koja se organiziraju u glavnom gradu BiH", kazao je direktor Kapo, istakavši da je osnovni cilj ovog sajma oživjeti privredu i podstaknuti domaću proizvodnju. Ambasada Repulike Indonezije imala je svoj izložbeni prostoro na kojem su posjetioci tokom tri dana sajma mogli kušati tradicionalnu indonežansku hranu i kafu. Predsjednik Privredne komore FBiH Mirsad Jašarspahić rekao je da je organizacija sajma prilika da sve institucije, zajedno, pruže podršku domaćoj proizvodnji kako bi ona zauzela na tržištu mjesto koje joj pripada i koje zaslužuje.

Ovogodišnji sajam svečano je otvorio ministar privrede KS Adnan Delić, koji je istakao važnost Centra Skenderija u očuvanju tradicije održavanja sajamskih aktivnosti. Istakao je i da Ministarstvo privrede kontinuirano podržava sajamske aktivnosti Centra Skenderija, te da će se ta praksa nastaviti i u narednom periodu, obzirom da su sajmovi izuzetne prilike da se mala i srednja poduzeća susreću, promoviraju i međusobno uvezuju što su

bitni uvjeti za unapređenje poslovanja i jačanje položaja malih i srednjih poduzeća u poslovnoj zajednici. „Ona su prepoznata kao poduzeća koja imaju potencijal brzog rasta i samim tim smatraju se generatorima rasta i razvoja ekonomije i cjelokupnog poslovnog ambijenta, kako u svijetu, tako i kod nas. Sajmovi su izuzetna prilika da razmijenimo znanja i iskustva, kao i da naš poslovni ambijent učinimo boljim i kvalitetnijim“, istakao je ministar na kraju svog obraćanja.



I ove godine, Kantonalna privredna komora Tuzla je zahvaljujući izuzetno dobrim odnosima sa direktijom Sajma i Centrom Skenderija, uspela obezbijediti izložbeni prostor za zajedničku postavku „Privreda TK.“ Predstavljeno je ukupno 29 firmi članica Komore: „Eko život“ Tuzla, „TQM“ Lukavac, „Terme Ozren“ Petrovo, „Golden tours“ Tuzla, „Centralno grijanje“ dd Tuzla, Turistička zajednica Tuzlanskog kantona, Turistička organizacija Grada Tuzla, „FinRa“ Tuzla, „Radius“ Gračanica, „Lović & CO“ Lukavac, „Portanaturae“ Srebrenik, „Aronija Okanović“ Tuzla, „Nova banka“ Banjaluka PJ Tuzla, „Voćar“ Brčko, „Mlin Nezić“ Gradačac, „Fana“ Srebrenik, „Corn flips“ Srebrenik, „Piemonte“ Tuzla, Hotel „Vertigos“ Tuzla, Hotel „Tehograd“ Tuzla, „Borplastika Eko“ Tuzla, „Imel“ doo Lukavac, „Alpha smart energy“ doo Tuzla, „Yavuz company“ Srebrenik, „Wortmann Metal“ Tinja, „Cydonia“ Gračanica, MI „Prima VIP“ Orašje, „Tehno-Beton“ doo Gračanica, „Solana“ dd Tuzla.

Pripremio Dino Kalesić



Najava sajamskih manifestacija...

Banjaluka: “Grames Demi 2022”, 16-18.3.



Međunarodni sajam građevinarstva je prilika da prezentujete svoje proizvode i usluge potencijalnim kupcima na ovom specijalizovanom, dobro organizovanom, modernom i poslovno orijentisanom sajmu. Sajam će okupiti vodeće kompanije iz svih segmenata građevinske industrije, iz regiona – Bosna i Hercegovina, Srbija, Crna Gora, Hrvatska, Severna Makedonija, Slovenija i iz inostranstva – Austrija, Holandija, Italija, Kina, Mađarska, Njemačka. Sajam građevine, materijala opreme, alata i modernih tehnologija u građevinarstvu, elektro i mašinske industrije, biće održan u Banjaluci od 16. do 18. marta 2022. godine.

Prijavni materijal na www.kpktz.ba

Lukavac: Sajam “List” od 5. do 7. maja



Pozivamo Vas da budete dio 20. Međunarodnog sajma turizma i ekologije “LIST” od 5. do 7. maja 2022.god. u Lukavcu. U produžetku link na kome možete pogledati dio atmosfere sa ovogodišnjeg Sajma. Pokrovitelji sajma: Vlada Tuzlanskog kantona i Ministarstvo trgovine, turizma i saobraćaja Tuzlanskog kantona. Partneri sajma: Turistička zajednica Općine Lukavac i Turistička zajednica Tuzlanskog kantona.

Topli pozdrav iz Lukavca!

Za sve dodatne informacije stojimo Vam rado na usluzi.

Opširnije o sajmu i prijavni materijal na www.kpktz.ba

Budva: Sajmovi hrane, turizma, namještaja, od 30.3. do 2.4.



Globalna ekonomija „uči” da živi, da se odvija i raste i u okolnostima aktivne pandemije. Potražnja na globalnom nivou je premašila očekivanja i prognoze, do mjere da je izazvala zastoje u proizvodnim i logističkim lancima. Nakon gotovo potpunog prekida trgovine uslijed pandemije virusa Covid 19, ulazimo u novu eru, novi početak. Glavni zadatak na početku – što prije i kvalitetnije zadovoljiti ogromnu potražnju, a turistima željnih putovanja obezbijediti siguran i ugodan

odmor.

Prema analizi Economist Intelligence, uslijed još uvijek postojećih okolnosti koje diktira pandemija, turistička putovanja u 2022. će ostati na „nivou sasvim drugačijeg iskustva”. Značajniji rast se može očekivati unutar domaćih i regionalnih tržišta. Crna Gora je i u 2021. godini ostvarila značajne rezultate u turizmu. Od 2022. očekujemo još i više.

Forbes predviđa da će strategija distribucije „direktno do potrošača” prevazići sve ostale kanale distribucije u prodaji hrane u 2022. godini. MarketWatch predviđa da će do 2027. godini tržište proizvodnje i prodaje namještaja značajno rasti iz godine u godinu. Pravo mjesto da odgovorite novim potrebama i željama kupaca i turista u Crnoj Gori i regionu, predstavite Vašu ponudu i mogućnosti, i ubjedite ih da ste upravo Vi kompanija na koju se mogu osloniti su:

47. Sajam hrane

38. Sajam namještaja opreme za domaćinstva poslovne prostore i unutrašnju dekoraciju

30. jubilarni Međunarodni sajam turizma, opreme za hotelijerstvo i ugostiteljstvo – METUBES i Sajam sezonskog zapošljavanja,

koji će se u organizaciji Jadranskog sajma održati u periodu od 30. marta do 2. aprila 2022. godine. Period održavanja je planiran u skladu sa najboljim interesom industrija koje su teme ovih sajmova i najvećim šansama za mjerljiv uspjeh učesnika, izlagača. Pozivamo Vas da budete učesnik ovih sajmova. U prilogu Vam dostavljamo prijavu za učešće, a biće nam i zadovoljstvo da u direktnom razgovoru odgovorimo na sva dodatna pitanja i čujemo Vaše ideje, sugestije i predloge za koje smatrate da će koristiti uspješnom nastupu Vaše kompanije. Za novi početak se vidimo na Jadranskom sajmu!

Prijava na kpktz.ba...

D.K.



Najava sajamskih manifestacija...

Beograd: 43. Međunarodni sajam turizma, 24-27.2.



Uspješna i atraktivna, lokalna i globalna, multinacionalna i multikulturalna. Nije teško pogoditi – predstavljamo Sajem turizma. Po svim kriterijumima – obimu, kvalitetu, značaju, privlačnosti..., rezultat je isti – Sajem turizma je jedna od najuspješnijih manifestacija u zemlji i regionu. Samo turizam sa toliko šarma spaja biznis i zadovoljstvo, samo putovanja imaju neodoljivu privlačnost za sve ljude na planeti. Beogradski sajam u tih nekoliko dana postaje „svijet u malom“, ali i privredna manifestacija koja, uz poslovne, okuplja i na desetine hiljada „običnih“ posjetilaca. Neko traži poslovne partnere, neko turističke aranžmane. Svakako, svi su tu i na jednom mjestu predstavljaju se turističke agencije, savezi i organizacije, hoteli, turistički centri, vazduhoplovne kompanije, međunarodni tur operatori...

ORGANIZATOR BEOGRADSKI SAJAM

Kontakti:

Dragan Zečević, koordinator projekta

Nataša Panić, saradnik na projektu - Aleksandra Nikolić, saradnik na projektu -

Dragana Kovačević, administrator projekta

Tel. 011/2655-206, 2655-305, 2655-307, 2655-866

e-mail: turizam@sajam.rs

Prijava na www.kpktz.ba

Beograd: "SEEBBE" 46. Međunarodni sajam građevinarstva



South-East Europe Belgrade Building Expo



Od 27. do 30. aprila 2022. godine, pod pokroviteljstvom Ministarstva građevinarstva, saobraćaja i infrastrukture Republike Srbije, na Beogradskom sajmu će se održati 45. Međunarodni sajam građevinarstva, vodeći sajamski događaj u građevinskoj industriji u regionu jugoistočne Evrope. U šest sajamskih hala i na otvorenom prostoru Beogradskog sajma nastupiće više od 600 izlagača iz 27 zemalja, odnosno svi eminentni domaći i strani građevinski proizvođači, distributeri i trgovci.

Više od četiri decenije dugo poslovno iskustvo afirmisalo je manifestaciju u svim oblastima građevinske delatnosti i utvrdilo jak

međunarodni karakter i liderski status Međunarodnog sajma građevinarstva. Ugled i obim koji ima, manifestaciju čine jednim od poslovnih zaštitnih znakova Beograda i Srbije, što potvrđuje veliki broj inostranih učesnika i posjetilaca. Pored značajnog broja učesnika, Sajem građevinarstva svake godine posjeti i veliki broj gostiju iz zemlje i inostranstva.

Izlagački program obuhvata inženjering, rekonstrukciju, mašine za obradu stakla, mašine za obradu profila za stolariju, najmoderniju građevinsku mehanizaciju, kompjuterske softvere u građevinarstvu, mašine i uređaje za industriju građevinskih materijala, najnovije materijale, uređaje za klimatizaciju i grijanje, montažne objekte. Ovogodišnja sajamska postavka biće, kao i svake godine, i sadržajno i dizajnerski inovirana. Nove tehnologije će biti prisutne u svakom segmentu manifestacije, upravo zbog konstantne potrebe za inovativnošću i napretkom u građevinskoj industriji. To važi za IT, digitalne, komunikacione tehnologije, sve vrste specijalizovanog, aplikativnog softvera, koji odavno u građevinarstvu nije novost i ekskluzivitet – već uspostavljeni standard. Tehničko tehnološka dostignuća posebno su primetna u tehnologiji, sistemima gradnje i materijalima. I na ovom sajmu će, organizovano nastupiti Kantonalna privredna komora Tuzla i predstaviti firmi članice.

ORGANIZATOR BEOGRADSKI SAJAM

Bulevar vojvode Mišića 14 11040 Beograd

e-mail: seebbe@sajam.rs

Dejana Cahun, koordinator projekta

+381 (0)11 2655-248, +381 (0)11 2655-301.

D.K.



Okrugli sto...

Ekonomsko osnaživanje žena žrtava rodno zasnovanog nasilja

Udruženje građana Vive Žene Tuzla, Kantonalna privredna komora Tuzla i IPI Akademija



Udruženje građana Vive Žene Tuzla, Kantonalna privredna komora Tuzla i IPI Akademija organizovali su okrugli sto na temu "Ekonomsko osnaživanje žena žrtava rodno zasnovanog nasilja" Riječ je o aktivnosti u sklopu projekta "Izgradnja ekonomske otpornosti žena žrtava nasilja kroz ekonomsko osnaživanje i poboljšanje pristupa za ostvarivanje prihoda".

Uvodničari na okruglom stolu u bili Edina Kurtić (Kantonalna privredna komora Tuzla), Suzdina Bijedić (U.G. Vive Žene), Aida M. Cipurković (U.G. Vive Žene), Anamarija Divković (U.G. Vive Žene) i Damir Bećirović (IPI Akademija). Kako je istaknuto na ovom skupu, Udruženje građana Vive Žene Tuzla vodeća je nevladina organizacija na području Tuzlanskog kantona koja se 27 godina bavi pitanjima prevencije rodno zasnovanog nasilja i pružanjem direktne psihosocijalne podrške žrtvama, u saradnji sa ministarstvima i javnim ustanovama nadležnim za pitanja nasilja nad ženama. Brojnim aktivnostima za cilj imaju podići svijest javnosti o tome kakav je položaj žena u društvu, a posebno onih koje su žrtve nasilja. Ujedno, želi se ukazati i na to koje su prilike koje one imaju u zapošljavanju i samozapošljavanju. Podaci Gender akcionog plana Bosne i Hercegovine govore o tome koliko su žene manje zastupljene na tržištu rada ali i o tome koliko su žene žrtve nasilja isključene i marginalizirane u društvu. Projekat izgradnje ekonomske otpornosti žena žrtava nasilja ima za cilj osnažiti žene ali i pomoći u kreiranju njihovog života bez nasilja, a podrška koja im se pruža predstavlja važan aspekt u rješavanju kompleksne problematike kako na nivou pojedinca i porodice, tako i na nivou društva, istaknuto je na okruglom stolu.

"Mi kroz projekat želimo da ženama koje su žrtve nasilja pomognemo da ostvare priliku za bolje zapošljenje ili samozapošljavanje. Radimo sa grupom žena, njih je 23, i trenutno imamo proces psihosocijalne podrške. Osim toga, one će imati treninge o razvijanju mekih vještina, ali i treninge koje će biti usmjereni ka razvijanju vještina koje će im direktno pomoći pri zaposlenju. Javno je poznato da žene su inače manje uključene u tržište rada, naročito žene koje su bile žrtve nasilja, a to znači da su one višestruko marginalizovane i nama je cilj da osmislimo programe kako bi se tim ženama pomoglo, ali i da ih osnažimo", istakla je Anamarija Divković iz Udruženja građana Vive žene Tuzla.



Anamarija Divković je kroz prezentaciju učesnicima okruglog stola približila projekat, upozнала ih sa svim važnim tačkama na koje je projekat usmjeren. Upozнала ih je sa aktivnostima koje su planirane da se sprovedu s poslodavcima i naglasila značaj suradnje sa poslodavcima, naročito privatnim sektorom, koji bi kroz ovaj projekat mogao dati značaj žrtvama nasilja. Pružanje podrške ženama koje su žrtve nasilja u njihovom putu ka uključivanju u proces rada ali i u društvo treba biti svakodnevni zadatak svih nas kako bi i one same osjetile svakodnevnu podršku i spoznale da nisu same, istaknuto je na okruglom stolu.

Podsjetimo, prvog septembra 2021. godine U.G. Vive Žene počele su sa sprovođenjem projekta izgradnje ekonomske otpornosti žena žrtava nasilja i unapređenja socijalnih politika s ciljem njihovog osnaživanja i kreiranja života bez nasilja. Kroz više od dvije decenije pružanja direktne podrške i pomoći žrtvama nasilja u porodici aspekt ekonomske neovisnosti i stabilnosti žrtava i njihovih porodica je važan je u rješavanju kompleksne problematike kako na nivou individua i porodica, tako i na nivou društva. Korisnice projekta su žene žrtve nasilja, koje u bile korisnice Sigurne kuće, terapijskih tretmana i drugih vidova podrške, a koje se nakon procesa psihosocijalnog osnaživanja nisu uspjele ekonomski osnažiti.

D.K.



Vlada TK pomaže saobraćaj i prijevoz...

Izdvojeno više od 600.000 KM za pomoć sektoru saobraćaja i prijevoza putnika

Sredstva su raspoređena za 437 privrednih subjekata - Subvencionirano 2267 plaća



Premijer Tuzlanskog kantona Kadrija Hodžić i ministar trgovine, turizma i saobraćaja TK, Hamza Bešić upriličili su prijem za predstavnike privrednih subjekata iz oblasti saobraćaja i prijevoza putnika, kojima je Vlada TK ove godine subvencionirala dio troškova u cilju prevazilaženje poteškoća u poslovanju uzrokovanih pandemijom COVID – 19. Vlada TK je ove godine putem Javnog poziva dodijelila 630.000 KM za pomoć privrednicima iz oblasti saobraćaja i prijevoza putnika, koji su pretrpjeli gubitke u poslovanju zbog posljedica pandemije COVID – 19.

„Vlada TK je pomoć privredi tokom pandemije proširila i na sektor saobraćaja, i to je prvi put realizirano u ovom Kantonu, a i među rijetkim smo vladama koje su imale senzibilitet za taj sektor“, kazao je premijer TK, Kadrija Hodžić.

Budući da je aktuelna Vlada ovogodišnji Budžet naslijedila od prošle Vlade, tim Budžetom nisu bila predviđena sredstva za saobraćaj, međutim rebalansom Budžeta ukupno je predviđeno oko 800.000 KM za pomoć prijevoznicima, koji su zbog posljedica pandemije imali poslovne gubitke od 30 do 70 %, napomenuo je premijer Hodžić.

„Sredstva su raspoređena za 437 privrednih subjekata, za koje smo subvencionirali 2267 plaća“, naglasio je, dodavši da je isplata sredstava započela i bit će okončana narednih dana.

Ministarstvo trgovine, turizma i saobraćaja je prvi put realiziralo Javni poziv kojim smo pomogli sektor saobraćaja, za autobusne i taksi prijevoznike, a riječ je o subvencioniranju dijela bruto plate za april i maj 2021 godine, kazao je ministar trgovine, turizma i saobraćaja TK, Hamza Bešić, poručivši da je intencija Vlade TK da pomogne privredu u svim segmentima u skladu s mogućnostima.



„Sektor prijevoza putnika uz zdravstvo i turizam posebno je pogođen zbog pandemije, tako da smo ostvarili tek 63 posto od prometa koji smo imali tokom 2019. godine, ne očekuje se značajniji rast u skorije vrijeme zbog pandemije“, izjavio je direktor kompanije Transturist d.d. Tuzla, Nadžad Siočić, zahvalivši se Vladi TK i resornom ministarstvu što su prepoznali značaj spašavanja radnih mjesta u sektoru saobraćaja, napomenuvši da kompanija Transturist zapošljava 105 radnika

Predsjednik Udruženja Tuzla Taxi Neim Husić zahvalio se resornom ministru, koji je uložio velike napore da taksi prijevoz uđe u jedan ovakav projekat.

„Mi u taksi prijevozu smo ovisni o protoku roba i putnika u turizmu, bilo kakva pomoć je značajna, ali značajnije je prepoznavanje našeg problema“, poručio je Husić, napominjući da Grad Tuzla ima 350 registrovanih taksi prijevoznika, od kojih je 175 pravnih lica, a ostalo su samostalni taksi prijevoznici, saopćeno je iz Odjeljenja za informisanje Vlade Tuzlanskog kantona.

D.K.



Eko Život d.o.o. Tuzla...

Ovlašteni BH operater sistema za upravljanje ambalažom i ambalažnim otpadom na području Federacije BiH



Eko Život d.o.o. Tuzla bavi se svim ekološkim projektima i posredovanjem društveno odgovornih programa za poboljšanje i unapređenje okoliša i života u boji prirode.

„Naš cilj je da u ime obveznika sistema ispunjavamo zakonske obaveze vezane za upravljanje ambalažom i ambalažnim otpadom. Naše strateško opredjeljenje jeste da se upravljanje ambalažom i ambalažnim otpadom zasniva na iskustvima Evropske unije, što uključuje sakupljanje, sortiranje, povrat, iskorištenje i recikliranje ambalaže i ambalažnog otpada“, poručuju iz menadžmenta.

Eko Život se bavi svim ekološkim projektima i posredovanjem društveno odgovornih programa za poboljšanje i unapređenje okoliša i života u boji prirode a u ime subjekata, koji su prenijeli svoje obaveze na ovog ovlaštenog operatera sistema, upravlja ambalažom i ambalažnim otpadom te obezbjeđuje:


- Da sakupljač ambalažnog otpada redovno preuzima komunalni ambalažni otpad i vrši njegovo selektivno razdvajanje;
- Da redovno preuzima i sakuplja ambalažni otpad od krajnjih korisnika koji nije komunalni otpad;
- Ponovno iskorištenje ambalažnog otpada za reciklažu u ovlaštenim postrojenjima i odlaganje neiskoristivog dijela ambalažnog otpada na kontrolisanim regionalnim ili općinskim odlagalištima;
- Otpremanje ambalažnog otpada koji sadrži ostatke opasnih tvari ili je onečišćen opasnim tvarima inostranim reciklažerima.
- Strategiju upravljanja ambalažom i ambalažnim otpadom baziramo na sljedećim principima:
- Princip prevencije – u cilju očuvanja prirodnih resursa, zbog čega generiranje otpada mora biti minimizirano i izbjegnuto gdje je to moguće;
- Princip reciklaže i ponovnog korištenja – ukoliko se generiranje otpada ne može prevenirati, isti će se ponovno upotrijebiti ili reciklirati ili iskoristiti u procesu povrata energije;
- Princip unapređenja finalnog odlaganja i monitoringa – u slučajevima gdje se otpad ne može ponovo koristiti, isti će se tretirati i adekvatno odložiti ili spaliti.

EKO ŽIVOT d.o.o. Tuzla kroz partnerske odnose sa lokalnom zajednicom, javnim komunalnim preduzećima i sakupljačima koristi postojeću komunalnu infrastrukturu, čime će omogućiti razvoj infrasturukture i otvaranje novih radnih mjesta.

Organizaciona shema prikupljanja i procesiranja otpada



Djelatnost operatera EKO ŽIVOT d.o.o. Tuzla je obezbjeđenje uvjeta za funkcionisanje sistema upravljanja ambalažom i ambalažnim otpadom u skladu sa principima zaštite okoliša, važećim zakonskim propisima i međunarodnim standardima. Dozvola za operatera sistema upravljanja ambalažnim otpadom dobijena je **25.3.2014. godine**, čime je EKO ŽIVOT d.o.o. postao drugi operater za upravljanje ambalažom i ambalažnim otpadom na teritoriji FBiH.





Saradnja Komore i firme “Terme Ozren”...

Pogodnosti za članice Komore!!!

Za sve firme članice Kantonalne privredne komore Tuzla, menadžent firme “Terme Ozren” Petrovo pripremio je specijalnu ponudu, znatne popuste, za usluge boravka u kompleksu “Terme Ozren” Petrovo



Kantonalna privredna komora Tuzla uspostavila je dobru saradnju sa novom članicom Komore, “Kompanija Milojević Gilje Gas” D.O.O. Bijeljina, poslovna jedinica “Terme Ozren” Petrovo.

Učlanjenjem u Komoru, “Terme Ozren” se uključuju u sve komorske aktivnosti, sastavni su dio i zajedničke sajamske postavke koju organizuje Komora Tuzla.

Menadžment firme “Terme Ozren” Petrovo odlučio je proširiti saradnju pa je temeljem takve odluke, ponuđena usluga koja donosi uspostavljanje kvalitetnije poslovne saradnje i sa Komorom i sa svim ostalim članicama Kantonalne privredne komore Tuzla.

S tim u vezi, za pružanje usluga boravka u kompleksu “Terme Ozren”, za sve zaposlene radnike Komore, te za sve firme članice Kantonalne privredne komore Tuzla, menadžent firme “Terme Ozren” Petrovo pripremio je specijalnu ponudu, znatne popuste, za usluge boravka u kompleksu “Terme Ozren” Petrovo, koja sadrži slijedeće pogodnosti:

Dnevne karte za sve radnike zaposlene u privrednom subjektu po cijeni od 6,00KM/osobi za korištenje svih bazena
Poklon vaučer u iznosu po vašoj želji, a koji možete poklanjati tj nagrađivati zaslužne radnika

Biznis paket (noćenje za poslovne partnere) po cijeni od 66,50KM/osobi

Vikend za dvoje po cijeni od 133,00 KM/noć u šta je uračunato:

- noćenje u standard sobama,
- doručak na bazi švedskog stola,
- neograničeno svakodnevno korištenje svih 11 bazena (temperature vode 29-35°C) od 10-20h (jedan bazen sa ljekovitom geotermalnom vodom), tobogana i sl.
- neograničeno korištenje wellness&spa centra (sauna, slana soba i parno kupatilo)
- gratis piće dobrodošlice
- besplatan parking
- besplatan Wi-Fi
- boravišna taksa i osiguranje

U cijenu nije uključeno:

- A la carte ponuda hrane i pida
- Korištenje mini-bar-a
- Usluge wellness&spacentra (masaže, tretmani lica i tijela).

Za realizaciju ovih pogodnosti, potrebno je da sve zainteresovane firme, članice Komore, dostave u Komoru spisak sa imenima radnika zainteresovanih za korištenje usluga u kompleksu “Terme Ozren” Petrovo.

Kompletirani spisak će biti dostavljen u “Terme Ozren” Petrovo a uposlenici firmi članica Komore će evidencijom na recepciji kompleksa “Terme Ozren”, steći pravo korištenja specijalne ponude.

Pozivamo sve zainteresovane firme članice Kantonalne privredne komore Tuzla, da nam dostave imena zaposlenih i ostvare pogodnosti za svoje uposlenike.



Kontakt za više informacija i za dostavljanje spiskova sa imenima radnika: Dino Kalesić 061/164-311, 035/369-562, dino@kpktz.ba. 035/369-550 komora@kpktz.ba.

D.K.



„Piemonte“ doo Tuzla...


Otvoren supermarket u Raincima!!!

21. po redu supermarket - površine 250 m², investicija od 35.000 KM - novih 7 radnika



„Piemonte“ d.o.o. za trgovinu Tuzla, domaći trgovački lanac koji sigurnom strategijom, planiranom dinamikom, nastavlja razvoj. Povećava se broj prodajnih objekata, supermarketa a distributivna mreža roba široke potrošnje već je prepoznatljiva, tražena i priznata u cijeloj Bosni i Hercegovini. U porodici „Piemonte“ sada je još jedan supermarket.

U Raincima gornjim, opština Kalesija, otvoren je novi, 21. po redu supermarket. Ovaj savremenom opremljeni prodajni objekat se prostire na 250 m² i posjeduje veliki parking prostor pored magistralnog puta Tuzla - Zvornik. Ono što posebno raduje jeste činjenica da uz razvoj firme, povećanje broja prodajnih objekata, dolazi i do otvaranja novih radnih mjesta. Tako je uz određene preraspodjele radne snage, angažovanje iskusnih i provjerenih radnika, u ovom objektu zaposleno i novih 7 radnika. Kako oističu iz menadžmenta firme „Piemonte“ doo Tuzla, inovi poslovni iskorak predstavlja investiciju od 35.000 KM uloženi u opremanja objekta i ulaganje u nova osnovna sredstva za rad.



Supermarket sadži širok asortiman prehrane, svježeg voća i povrća, sredstava za higijenu, posuđe, tekstil i odjel igračaka po super povoljnim cijenama, ukupnih zalih roba u iznosu od 215.000KM. Na dan otvorenja, kako to već po tradiciji čine u firmi „Piemonte“ tuzla, za nove klijente, nove goste mještane Rainaca gornjih, priređeno je svečano otvaranje sa roštiljadom i degustacijom brojnih proizvoda a za sve posjetioce, pripremljeni su poklon paketi.

Otvaranjem novog supermarketa, zaokruženi su planovi razvoja za 2021. godinu. Već je kreiran plan i program rada za naredni period koji već početkom 2022. godine donosi finalizaciju izuzetno velikog, zahtjevnog i značajnog projekta. U prvim mjesecima naredne godine očekuje nas svečano otvaranje kompleksa i Hotela „Muška voda“ u Kladjnu sa svim modernim i novim propratnim sadržajima. Najavljen je također, tokom naredne godine, nastavak razvoja firme kroz jačanje i proširenje lanca supermarketa van područja Tuzlanskog kantona.

D.K.



Obavještenje kandidatima...

Seminar za pripremanje pravosudnog ispita

Seminar će trajati sedam vikenda - Prijave ostaju otvorene do popune mjesta - Datum početka seminara će se odrediti nakon formiranja grupe



Kantonalna privredna komora Tuzla obavještava sve zainteresovane kandidate da počinje formiranje grupe za organizaciju

Seminara za pripremanje polaganja pravosudnog ispita.

Program seminara provodit će se na osnovu i u okviru Programa polaganja pravosudnog ispita od 11.10.2018. godine i Pravilnika o polaganju pravosudnog ispita od 11.12.2019. godine, izmjene i dopune od 18.3.2020. godine Federalnog ministarstva pravde. Predavači na seminaru su članovi/ispitivači Komisije za polaganje pravosudnog ispita na nivou Federacije Bosne i Hercegovine. Seminar će trajati 15 dana (7 vikenda) i obavljat će se u velikoj sali Kantonalne privredne komore Tuzla, uz poštovanje svih epidemioloških mjera, u skladu sa propisima nadležnih organa.

U toku seminara obradit će se materija iz krivičnog prava, građanskog prava sa porodičnim pravom, privrednog prava, upravnog i radnog prava, ustavnog sistema i organizacije pravosuđa. U okviru seminara realizirat će se i praktične vježbe (pismeni radovi) za polaganje pismenog dijela ispita iz krivičnog i građanskog, odnosno porodičnog prava. Nakon završetka obuke, polaznici će dobiti potvrdu o pohađanju seminara za pripremanje polaganja pravosudnog ispita.

Broj mjesta je ograničen na 30 kandidata. Prijave ostaju otvorene do popune mjesta.

Datum početka seminara će se odrediti nakon formiranja grupe.

Iznos kotizacije je 995,00 KM po polazniku. U cijenu je uračunat i PDV. Navedeni iznos se može platiti u tri rate.

Molimo, ukoliko ste zainteresovani za učešće na navedenom seminaru da popunjenu prijavu, u prilogu, pošaljete na e-mail edina@kpktz.ba ili fax broj 035 369 552.

Kontakt osoba Edina Kurtić, telefon broj 035 369 551.

PRIJAVA na: <http://kpktz.ba>

Javni poziv za usavršavanje...

Usavršavanje za NO i UO, prijave za novu grupu

Javni poziv za dostavljanje prijava

Kantonalna privredna komora Tuzla prikuplja prijave za novu grupu za Usavršavanje predsjednika i članova nadzornih odbora i uprava privrednih društava sa učešćem državnog kapitala (prema Uredbi Vlade FBiH, "Službene novine F BiH", br. 71/09, 33/10, 23/11, 83/11, 2/13, 80/13, 48/15, 60/16 i 88/17). Početak edukacije je planiran za po formiranja grupe, a u zavisnosti od epidemiološke situacije, organizovat će se u prostorijama Komore u Tuzli ili online putem Zoom platforme, o čemu će odluka biti donesena neposredno pred početak. Zainteresovani kandidati prijavu mogu izvršiti dostavom prijavnog upitnika (na web stranici Komore: www.kpktz.ba).

Potrebna dokumentacija:

1. prijavni upitnik
2. kopija diplome
3. uvjerenje o radnom iskustvu u struci



Cijena usavršavanja (edukacija, literatura, ispit i sertifikacija) je 880,00 KM po polazniku, a informacije o rokovima i načinu uplate bit će Vam dostavljene nakon određivanja datuma početka. Prijave i sve dodatne informacije na mail: edina@kpktz.ba ili putem faxes na broj 035/369-552 ili poštom na adresu Trg slobode bb, 75000 Tuzla.

Kantonalna privredna komora Tuzla - Trg slobode bb, 75 000 Tuzla

Rok za podnošenje prijava kao i tačan termin početka usavršavanja, biće naknadno utvrđeni, po formiranju nove grupe polaznika.

Upitnik na: <http://kpktz.ba/images/stories/2019/Novembar/Prijava.pdf>

D.K.



Led display na zgradi Komore...

NOVA USLUGA ČLANICAMA I FIRMAMA U TK



Poštovani, Led digitalno oglašavanje, u poređenju s tradicionalnim medijima oglašavanja, poput billboarda, čijeg se sadržaja jedva sjeti manji od 40 posto gledatelja, u zadnje vrijeme ima velike prednosti. Osim mogućnosti višestrukog reklamiranja jednog oglašivača na istom mediju, dokazano je da su pokretne reklamne poruke daleko više privlačnije nego statične reklame. Obavještavamo vas da je Kantonalna privredna komora Tuzla u prilici ponuditi vam oglašavanje na našem led displayu po povoljnim uslovima.

POSTANITE PARTNER KANTONALNE PRIVREDNE KOMORE TUZLA!!!
OGLASITE SE NA NAŠEM LED DISPLAY PROSTORU!!!
ISKORISTITI IZUZETNO POVOLJNE GODIŠNJE I ŠESTOMJESEČNE PONUDE!!!
POSEBNE POGODNOSTI ZA FIRME ČLANICE KOMORE!!!

Kantonalna privredna komora Tuzla


Kontakt osoba: Dino Kalesić

mob: 061/164-311

tel: 035/369-562


mail: dino@kpktz.ba

POSJETITE NAS! DOĐITE DA SE DOGOVORIMO!!!





THE CHAMBER OF ECONOMY OF TUZLA CANTON



TUZLA CANTON

Your Business Partner

